

آبونه نمره ۱ : هر يک ايجون
سنه لکي (۴۰۰) اتق ايلني
(۲۲۵) ، ممالك اجنييه ايجون
سنه لکي (۴۰۰) ، اتق ايلني
(۲۵۰) غروشدر.

نسخه سي ۷،۵ غروشدر .
سنه لکي ۵۲ عدددر .

اداره خانه : باب عالي جاده سنده
رشيد افندي خائنده

اخطارات
آبونه بدلي پشيندر .

مسلكه موافق آثار مع المنويه
قبول اولنور . درج ايدله ين
يازير احاده اولماز .

والله يهدي من يشاء الى صراط مستقيم

باش محرر
محمد حاكف

صاحب و مدير
اشرف اديب


آبونه سي پيدلنده ايريجيه
غروش كوندر مليدر .

مكتوبلرك امضاري واضح
واوقوناقلي اولسي وآبونه
صره نومروسي محتوي
بولونسي لازمدر

ممالك اجنييه ايجون آبونه
اولنورك آدرسرينك
فرانسجه يازلسي رجا اولنور.

پاره كوندردلديكي زمان نهيه
دائر اولديني بيلديرلسي
رجا اولنور

اتبعون اهدكم سبيل الرشاد



دانس آفتك آنالطریه مولتی

آطنه دن بر پاره عاشقیسنك استانبوله كهرك يوكسك اجرتلرله دانس معلمه لری تدارك استدیكهی ویا قینده آطنه یه کوتوره جکئی هنرله یازیور . بومناسبتله طوق سوز هنرته سی دیور که :

« رذالتله آرتیق نهایت ویریلیدر . استبداد اداره لنده خلقك ذوق وسفاشته سوق ، او اداره نك ایجاباتنددر . چونكه ذوق وصفا ایچنده حیاتی کچیرن برملتک اداره دولتک ای ویا فنا اولدیغی دوشومسنه امکان یوقدر... حکومتك شیمیدین نظردقتی جلبایدربو ، آطنه ایله هیچ علاقه سی اولیان ذاتك شوسقیم و آطنه نك تمیز کنجلیغی ایشدن منع ایدم جك فنا نشینی باشلانمجه ایلکن قیرماسی قانون نامنه وسلامت واستقبال وطن نامنه رجا ایدرز . باکر برحیطك کنج فکرلیغی پریشان ایتك و ثروتی محو ایلک ، اولادلی اوینه دشمن ایتك حقنی هیچ کیمسه حائر دکلددر . دانس رذالتك استانبوله کی تحریککار آثاری میدانده ... بو ، غریک ، غرب ایچون مرغوب اولدیغی قدر شرق ایچون مستکرمه اولان حادثی یوزندن سفاک اخلاقیه نك کنجلر آرمه سنده مدهش بر حال آلمقده اولدیغی کورمه یی کوزلر کور اولسون . »

بدمه طوق سوز ، « قاری اویناتقی » جزا قانوننك ۲۰۲ نجی ماده سی موجبنجه بر جرم اولدیغی سوبیله رك مدعی عمومی ایهای وظیفه یه دعوت ایدیور .

* *

حافظه کارلر ، لایق و لایق مناشلری

نورالدین باشانك بروسه مبه ثلغنه انتخابی اوزرینه محافظه کارلق ایله لایقك و لایق حقنده غزته لده شدتلی مناقشه ل باشلادی . بومناسبتله بوی غزته لرك مسلکاری ده موضوع بحث اولیور . اکثر غزته لر توحید افکاره متفقاً هجوم وتوحید افکاری « شریعت اسلامیه یی مملکتده اقامه ایتك » مسلکی تعقیب ایتکله اتهام ایدیورلر . توحیدده شیمیدی برر برکندیسنه هجوم ایدن غزته لره جواب ویریور . ازجمله طنین غزته سنه ویردیکی جوابده دیور که :

« طنین لایق لکی هان هان دینی هلاقلردن بوس بوتون قطع علاقه ایتهمزی توصیه درجه لینه کوتورور . بونجه عصرلق خطمزی برافرق برینه لاتین حروفنك اقامه سی توصیه ایدر . دانسی شدتله ترویج ایدر . قارخانه لری سد ایدیورسکز دیبه قیامتلی قورایر . ایچکینك قوتله طرفداریدر . محافظه کارلره عادتاً تجاوز ایتبه باشلادی ، مسائل اعتقادیه ده کندی فکرنده اولمایانلری مملکته دشمن کی کوسترمک باشلادی . »

طنین ده بونلره جواب ویریور ، بونلرک پاکش اولدیغی ادعا ایدیور . توحید افکار طنینك بومسلکده اولدیغی ینه طنینك اشریاتی ایله اثباته حاضر اولدیغی سوبیله یور ، لاتین حروفنی ، دانسی ، قارخانه لری ، ایچکی یی فاصیل مدافعه ایتدیکنی ایضاح ایدیور . ازجمله دیور که :

[ثالثاً : بز (طنین) ایچون « دانسی شدتله ترویج ایدر » دیمشك . رفیقمر ، بزم بوطنمرك ده پاکش اولدیغی ادعا ایدیور وکذا ایچی مسئله سنده اولدیغی کی « بز هیچ کیمسه یی آمان قاتك ، طیلاییکز ، دیبه تشویق ایتدیکنی خاطر لایمورز . » دیور .

بزده ذاتا رفیقمر « هرکی خوبلامغه تشویق ایدیورسکز » دیمه دک . یانکز دانسی شدتله ترویج ایدرسکز ، دیدک . مع مافیه رفیقمر دانسه اولسون طرف ارفنی قسماً اعتراف ایدیور و « دانسی ، قادیلری (مشترک) حاله کتیرمکدن هبارت ظن ایدن زوالیلره آچیدغی » سوبیله یور .

دانس ، بالخاصه بزده کی شکلیه (قادیلرله ارککلی مشترک حاله کتیرمکدن هبارت حد ایتك) هیچ ده زوالیلی دکلددر . برکره دانسک براحتیاج بدیی اولدیغی مختلف فیه و محتاج اثبات برمشله در . مع مافیه بونی قبول ایتسه ک بیه بزده پایلان دانسلرک بدییانه هیچ بر علاقه سی یوقدر . غربی تقلیده هاند هرايشمزه اولدیغی کی بزده بوکون دانسک الکو تو ، اخلاقه الک مفرشکلی تطبیق ایدیورز . بزده کی شکلی - بونی قطعی صورتده ادعا ایدیورز - هرهانکی براحتیاج بدیی یی دکل ، یانکز احتیاج حیوانی یی تطمیندن هبارتدر . بناء علیه اصل آچینه حق انسانلر ، بوقاجه اخلاقیه یه اعتراض ایدلر دکل ، یانکز اونسکز یاشنده کی پاکیزه مکتب قیولیمزی مدنیت اوکره تملک بهانه سیله بک اوله نك المستکرمه سفاخانه لنده (کیرفور) لک و (یانی) لک قورلی آرمه سنه سوق ایدلردر . بوکون بزده کوریلن قسماً آوروپاده ده معهود اولان دانس شکلری (قادیلری مشترک حاله کتیرمک) حد ایدن یانکز سیدالرشاد دکلددر . (قله ماسو) بیه بویکی دانسلر حقنده مطالعه سی صورتلیدی وقت « بنم بیلدیکم بویه شیلر یاقاقده یایلیر ، آیقده دکل » جواب مدهش و ملزمی ویرمشدر . بوجواب بلکه غلیظدر . فقط بوقلغاتی ، توصیفده کی قوته و اصابت بهاشلامی لازمکیر .

رفیقمر « دانس ایدلره تعریض ایدنه اعتراض ایتك » حقنی کندنده کوریور . احواله کندی تعریضه اعتراض ایتك حقنی ده باشقلینه بخش ایله ملیدر . I

اقدام غزته سی ده (دینی هلاقلردن قطع علاقه) مسئله سی موضوع بحث ایدرک طنین ایله توحید افکار آرمه سنده کی اختلافك توفیق ایدله بیه جکندن . « لایقك مسئله سنده بزم اوروپا ایله مقایسه ایدله مبه جکزدن » ، « بزده احکام شرعیه عصرلردن بری مرعی قانون مدنی وظیفه سی ایضا ایدرک خلقك بوکا آلیشمش اولدیغندن » ، « قرآنك اوامر ونوامیسی صرف روحانی وسكان سمواته مخصوص اولمادیغندن ، بونلرک مصالح عامیه یه اویغون اولدقلردن » ، « معلومات دینه ایله برابر مسلکی تحصیلده بولونانلرک وطنینه بک کوزل خدمت ایدله جککلردن » ، « کری قلامازه فن وصنعت تحصیل ایلری کوتورمکله مکمل اولانلرک وظیفه لری حقله ایضا ایتهمسندن ایلری کلدیکندن » بحث ایدیور . بومناقشاتکده خبلی دوام ایدمکی آکلاشیلیور .

* *

بر بوزمه کی مسلمانلرک هردی

کره ارض اوزرنده بولنان مسلمانلرک عرق اعتبارله تقسیمی حقنده آقشام غزته سی بر ایستاتستیک نشر ایتدی . بو ایستاتستیک نه کی وثائقه استناد ایتدیکی معلوم اولماقله برابر عیناً نقل ایدیورز :

تورکستانه و تورانه نورکلری : تورکیا جمهوریتی : ۱۳,۵۰۰,۰۰۰ ، آذربایجان : ۳۰۰,۰۰۰ ، قفقاسیه : ۵,۰۰۰,۰۰۰ ، تورکستان روسی : ۲۱,۰۰۰,۰۰۰ ، تورکستان چین : ۳۰,۰۰۰,۰۰۰ ، ماوراءالنهرین اورنك وسرت قبائلی : ۷,۰۰۰,۰۰۰ ، شمال افغانستانده باخنده متمکن تاجیکلر : ۱,۰۰۰,۰۰۰ ، خوارزم تورککلری : ۱,۰۰۰,۰۰۰ ، جمآ ۸۱۰۰۰,۰۰۰ در .

موغول تانارلری : روسیا و قریم ممالکندن : ۱۰,۰۰۰,۰۰۰

آریمن عرقمره کلن بهتانلر ، ایرانلر و هنرلیر : افغانستانه و هندستانده مسکون بهتانلر : ۱۱,۵۰۰,۰۰۰ ، ایرانلیر : ۱۳,۳۰۰,۰۰۰ ، بلوچیلر : ۲۰۰,۰۰۰ ، جمآ ۲۶,۰۰۰,۰۰۰ نفوسدر .

هنرستانده : کشمیر : ۳۰۰,۰۰۰ ، سند : ۲,۰۰۰,۰۰۰ ، پنجاب : ۱۲,۰۰۰,۰۰۰